

Мо́литвы по Свято́м Причаще́нии



**Егда же получиши добраго причащения,
Животворящих таинственных дарований, воспой абие,
благодарй вельми, И сия тепле от душ Бóгу глаголи:**

Священник: Слава Тебё, Бóже. Слава Тебё, Бóже.
Слава Тебё, Бóже.

Молѣтва 1-ая Благодарственная, Гóсподу Бóгу:

Чтец: Благодарю Тя, Гóсподи Бóже мой, яко не
отрѣнул мя еси грѣшнаго, но общника мя быти
святѣнь Твоѣх сподобил еси. Благодарю Тя, яко мене
недостойнаго, причастѣтся пречѣстных Твоѣх и
небесных Даров сподобил еси. Но Владыко
Человеколюбче, нас ради умерый же и воскресый, и
даровавый нам страшная сия и животворящая
Таинства, во благодеяние и освящение душ и телес
наших, даждь быти сим и мне во исцеление души же и
тѣла, во отгнание всякаго сопротивнаго, в просвещение
очию сѣрдца моего, в мир душевных моих сил, в веру
непостыдну, в любовь нелицемѣрну, во исполнение
премудрости, в соблюдение заповедей Твоѣх, в
приложение Божественныя Твоея благодати, и Твоего
Царствия присвоение, да во святѣни Твоей теми
сохраняемь, Твою благодать поминаю всегда, и не
ктому себѣ живу, но Тебѣ, нашему Владыце и
Благодѣтелю; и тако сего житія изшед о надежди
живота вѣчнаго, в присносущный достигну покой,
идеже празднующих глас непрестанный, и безконечная
сладость зрящих Твоего лица доброту неизреченную.
Ты бо еси истинное желаніе, и неизреченное веселіе
любящих Тя, Христѣ Бóже наш, и Тя поёт вся тварь во
вѣки. **А**мѣнь.

Моли́тва 2-ая свт. Вели́каго Васи́лия:

Влады́ко Христе́ Бо́же, Царю́ веко́в и Соде́телю всех, благодарю́ Тя о всех, я́же ми еси́ по́дал благи́х, и о причаще́нии пречи́стых и животворя́щих Твои́х Та́инств. Молю́ у́бо Тя, Бла́же и Человеколю́бче: сохрани́ мя под кро́вом Твои́м, и в сени́ крилу́ Твоёю. И да́руй ми чи́стою со́вестию, да́же до послéдняго моего́ издыха́ния, досто́йно причаща́тися Святы́нь Твои́х, во оста́вление грехо́в и в жизнь ве́чную. Ты бо еси́ Хлеб живо́тный, исто́чник святы́ни, пода́тель благи́х, и Тебе́ сла́ву возсыла́ем, со Отце́м и Святы́м Ду́хом, ны́не и пр́сно, и во ве́ки веко́в. **А**ми́нь.

Моли́тва 3-ая прп. Симео́на Метафра́ста:

Давый пи́щу мне плоть Твою́ во́лею, огонь сый и опаля́яй недосто́йныя, да не опали́ши мене́, Соде́телю мой; па́че же пройди́ во у́ды моя́, во вся соста́вы, во утробу́, в се́рдце. Попали́ те́рние всех мои́х прегреше́ний. Ду́шу очисти́, освяти́ помышле́ния. Соста́вы утверди́ с костью́ вку́пе. Чувств просвети́ просту́ю пятери́цу. Всего́ мя спригвозди́ стра́ху Твоему́. Пр́сно покрый́, соблюди́ же, и сохрани́ мя от вся́каго де́ла и сло́ва душетле́ннаго. Очисти́, и омый́, и украси́ мя: удобри́, вразуми́, и просвети́ мя. Покажи́ мя Твоё селéние еди́наго Ду́ха, и не ктому́ селéние греха́. Да я́ко Твоего́ до́му вхо́дом причаще́ния, я́ко огня́ мене́ бежи́т всяк злоде́й, вся́ка страсть. Моли́твенники Тебе́ приношу́ вся святы́я, чинонача́лия же

безплóтных, Предт́ечу Твоегó, премúдрыя апóсто­лы, к сим же Твою́ нескв́ёрную, ч́истую М́атерь, íхже мольбы́, Благоутрóбне, приими́, Христé мой, и сы́ном свёта содéлай Твоегó служ́ителя. Ты бо еси́ освящ́ение, и Ед́иный на́ших, Бл́аже, душ и свётлость, и Тебé лепоподóбно я́ко Бóгу и Влады́це сла́ву вси возсыла́ем на всяк день.

Моли́тва 4-ая Го́споду Бо́гу:

Тéло Твое́ Святóе, Го́споди Иису́се Христé Бо́же наш, да б́удет ми в живóт в́ечный, и Кровь Твоя́ Честна́я во оставл́ение грехóв: б́уди же ми благодарéние сие́ в ра́дость, здра́вие и весéлие; в стра́шное же и второ́е приш́ествие Твое́ сподóби мя, грéшнаго, ста́ти одесну́ю сла́вы Твоея́, моли́твами Преч́истыя Твоея́ М́атери, и всех святы́х.

Моли́тва 5-ая ко Пресвято́й Богоро́дице:

Пресвята́я Влады́чице Богоро́дице, свéте помрач́енныя моея́ души́, надéжду, покрóве, прибéжище, утеш́ение, ра́дование моé, благодарю́ Тя, я́ко сподóбила мя еси́ недостóйнаго, причáстника бы́ти Преч́истаго Тéла, и Честны́я Крóве Сы́на Твоегó. Но ро́ждшая íстинный Свет, просвети́ моя́ у́мныя óчи сёрдца; Я́же исто́чник безсмёртия ро́ждшая, оживотвори́ мя умерщвл́еннаго грехóм; Я́же м́лостиваго Бóга любоблагоутрóбная М́ати, помíлуй мя, и даждь ми умил́ение, и сокруш́ение в сёрдце моём, и смире́ние в мы́слях мо́их, и воззва́ние в пленéниих помышл́ений мо́их; и сподóби мя до

последняго издыханія, неосуждённо приимати Пречистых Таин освященье во исцеленье душъ же и тѣла. И подаждь ми слёзы покаянія и исповѣданія, во еже пѣти и славити Тя во вся дни животѣ моего, яко благословенна и препрославлена еси во вѣки. **Аминь.**

Молѣтва прав. Симеона Богоприимца:

Ныне отпускаеши раба Твоего, Владыко,/ по глаголу Твоему с миром,/ яко видеста очи мои спасенье Твое,/ еже еси уготовал пред лицем всех людей,/ свет во откровенье языков// и славу людей Твоих Израиля.

Трисвятѣе по Отче наш:

Святый Бже, Святый Крепкий, Святый Безсмертный, помилуй нас. *(Трижды).*

Слава Отцу и Сыну и Святому Духу, и ныне и присно и во вѣки веков. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды).* **С**лава и ныне.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твоё есть Царство, и сила, и слава, Отца и Сына и Святаго Духа, ныне и присно и во веки веков.

Чтец: Аминь.

Тропарь свт. Иоанна Златоуста, Глас 8:

Уст твоих, якоже светлость огня,/ возсиявши
благодать, вселенную просвети;/ не сребролюбия
мирови сокровища сниска,/ высоту нам
смиреномудрия покажи,/ но твоими словесы
наказуя, отче Иоанне Златоусте,// моли Слова
Христа Бога спастися душам нашим.

Слава, Кондак Святителя, Глас 6:

От небес приял еси Божественную благодать,/ и
твоими устнами вся учиши/ поклонятися в Троице
Единому Богу,/ Иоанне Златоусте всеблаженне,
преподобне, достойно хвалим тя:// еси бо наставник,
яко Божественная являя.

И ныне, Кондак Пресвятой Богородице, Глас 6:

Предстательство христиан непостыдное,/ ходатайство ко Творцу непреложное,/ не презри
грешных молений гласы,/ но предвари, яко Благая, на
помощь нас, верно зовущих Ти:/ ускори на молитву и
потщися на умоление,// предстательствующи присно,
Богородице, чтущих Тя.

Окончание:

**Аще же Литургія свт. Васи́лия Вели́кого, чти
Тропа́рь Свято́го, Глас 1:**

Во всю зѣмлю изыде вещание твоѣ,/ яко
приѣмшую слово твоѣ,/ ѡмже боголѣпно научил еси,/
естество сущих уяснил еси,/ человѣческия обычаи
украшил еси,/ царское священіе, ѡтче преподобне,/
моли Христа Бога, // спастися душам нашим.

Слава, Конда́к Святителя, Глас 4:

Явился еси основаніе/ непоколебимое Цѣркве,/
подаѣ всем некрадомое господство человеком,/
запечатлѣя твоими велѣньми, // небоявленне Васи́лие
преподобне.

И ныне, Конда́к Пресвято́й Богоро́дице, Глас 6:

Предста́тельство христиа́н непосты́дное,/
ходата́йство ко Творцу́ непреложное,/ не прѣзри
грѣшных моленій гласы,/ но предвари, яко Благая, на
пѡмощь нас, вѣрно зовущих Ти:/ ускорѣ на моли́тву и
потщѣся на умоленіе, // предста́тельствующи при́сно,
Богоро́дице, чтущих Тя.

Оконча́ние:

**Аще же Служба Преждеосвященных Дарѡв
свт. Григоріа Двоеслова,
чти Тропа́рь Свято́му, Глас 4:**

Иже от Бога свѣше Божественную благодать
восприѣм, славне Григоріе,/ и Того́ сілою
укрепляемь, евангельски шествовати изволил еси./
Отонудуже у Христа возмездіе трудовъ приѣл еси,
всеблаженне: // Егѡже моли, да спасѣт души наша.

Сла́ва, Конда́к Свято́му, Глас 3:

Подобонача́льник показа́лся еси́ Нача́льника па́стырем Христа́,/ и́ноков чреды́, о́тче Григо́рие,/ ко огра́де небéсней наставля́я,/ и отту́ду научи́л еси́ ста́до Христо́во за́поведем Его́:/ ны́не же с ни́ми ра́дуешься,// и лику́еши в небéсных кро́вех.

И ны́не, Конда́к Пресвято́й Богоро́дице, Глас 6:

Предста́тельство христиа́н непосты́дное,/ ходата́йство ко Творцу́ непрело́жное,/ не прэ́зри грéшных моле́ний гла́сы,/ но предвари́, я́ко Благая́, на по́мощь нас, ве́рно зову́щих Ти:/ ускори́ на моли́тву и потщи́ся на умоле́ние,// предста́тельствующи при́сно, Богоро́дице, чту́щих Тя.

Оконча́ние:

Чтец: Го́споди, поми́луй. *(12 раз).*

Честне́йшую Херувим и сла́внейшую без сравне́ния Серафим, без истле́ния Бо́га Сло́ва ро́ждшую, су́щую Богоро́дицу Тя велича́ем.

Свяще́нник: Сла́ва Тебе́, Христé Бо́же, упова́ние на́ше, сла́ва Тебе́.

Чтец: Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. **Ами́нь.**

Го́споди поми́луй. *(Три́жды).*

И́менем Госпо́дним благослови́, о́тче.

Свяще́нник: Христós, и́стинный Бог наш, моли́твами пречи́стыя Своея́ Ма́тере, преподо́бных и богонóсных оте́ц на́ших, и всех святы́х, поми́лует и спасе́т нас, я́ко Благ и Человеколю́бец.

Чтец: Ами́нь. Го́споди поми́луй. *(Три́жды).*

Пóсле причаще́ния Те́ла и Кро́ви Го́спода Бо́га и Спа́са на́шего Иису́са Христа́ да пребыва́ет ка́ждый в чистоте́, воздержании́ и немногосло́вии, чтобы́ досто́йно сохра́нить в себе́ Христа́ приня́того.